

疆 邦 華 書



赤城詞目錄

臨江仙 二

漁家傲

攤破浣溪沙

浣溪沙 六

謁金門 八

虞美人 三

菩薩蠻 六

點絳脣

好事近

千秋歲

鷓鴣天 三

豆葉黃 三

浣溪沙 二

鷓鴣天

虞美人

赤城詞

臨海 陳克 子高

臨江仙

枕帳依依殘夢。齋房忽忽餘醒。薄衣團扇繞階行。曲闌幽樹。看得綠陰成。檐雨爲誰凝咽。林花似我飄零。微吟休作斷腸聲。流鶯百轉。解道此時情。

又

四海十年兵不解。胡塵直到江城。歲華銷盡客心驚。疏髯渾似雪。衰涕欲生冰。送老齋鹽何處是。我緣應在吳興。故人相望若爲情。別愁深夜雨。孤影小窗燈。漁家傲

寶瑟塵生郎去後綠窗閒卻春風手淺色宮羅新染就
晴時候裁縫細意花枝鬪象尺熏爐移永晝粉香溫
溫薔薇透晚鏡看來渾似舊沈吟久箇儂爭得知人瘦
攤破浣溪沙

懸慢梳頭淺畫眉亂鶯殘夢起多時不道小庭花露溼
翦酴醾簾額好風低燕子窗油晴日打蜂兒翠袖粉
牋閒弄筆寫新詩

浣溪沙

淺畫香膏拂紫脰牡丹花重翠雲偏手按梅子並郎肩
病起心情終是怯困來模樣不禁憐旋移針線小窗

前

又

香霧空濛墮彩蟾傾城催映出重簾□□銀燭夜厭厭
何物與儂供醉眼半黃梅子帶紅鹽粉融香潤玉纖

纖

又

淡墨花枝掩薄羅嫩藍裙子窳湘波水晶新樣碾風荷
問著似羞還似惡惱來成笑不成歌芙蓉帳裏柰君

何

又

短燭熒熒照碧窗重重簾幕護梨霜幽歡不怕夜偏長
羅襪鈿釵紅粉醉曲屏深幔綠橙香征鴻離遠斷人

腸又

小院春來百草青
拂牆桃李已飄零
絕知春意總無憑
盧女嫁時終薄命
徐娘身老謾多情
洗香吹粉轉娉

婷又

窗紙幽幽不肯明
寒更忍作斷腸聲
背人殘燭卻多情
合下心期惟有夢
如今魂夢也無憑
幾行閒淚莫縱

橫

謁金門

花滿院飛去飛來
雙燕紅雨入簾寒
不捲曉屏山六扇

翠袖玉笙悽斷脈脈兩蛾愁淺消息不知郎近遠
春長夢見

又

絲柳碧柳下人家寒食鶯語惓惓花寂寂玉堦春蘚溼
閒凭熏籠無力心事有誰知得檀炷繞窗燈背壁畫
檐殘雨滴

又

深院靜塵暗曲房淒冷黃葉滿堦風不定無端吹酒醒
露溼小園幽徑悄悄啼蛄相應半被餘熏殘燭影夜
長人獨月

又

春漏促誰見兩人心曲
罨畫屏風銀蠟燭淚珠紅簌簌
懊惱歡娛不足只許夢中相逐
今夜月明何處宿
畫橋春水綠

又

春草碧憶著去年寒食
白紵紅裙香口口折花閒調客
好在江南江北燕子不傳消息
醉眼騰騰羞面赤
斷腸儂記得

又

羅帳薄縹緲綺疏飛閣
紅地團花金解絡香囊垂四角
盡日春風簾幕誰見綠
屏纖弱雲壓枕函欹自落
無端春夢惡

又

愁脈脈目斷江南江北煙樹重重芳信隔小樓山幾尺
細草孤雲斜日一向弄晴天色簾外落花飛不得東
風無氣力

又

春寂寂綠暗溪南溪北溪水沈沈天一色鳥飛春樹黑
腸斷小樓吹笛醉裏看朱成碧愁滿眼前遮不得可
憐雙鬢白

虞美人張辛祈雨有感

踏車不用青裙女日夜歌聲苦風流墨綬強躋攀喚起
潛蛟飛舞破天慳公庭休更重門掩細聽催詩點一

尊已詠北窗風臥看雪兒纖手剝蓮蓬

又

小山戢戢盆池淺芳樹陰陰轉紅闌干上刺薔薇蝴蝶
飛來飛去兩三枝繡裙斜立腰肢困翠黛紫新恨風
流蹤迹使人猜過了鬪雞時節合歸來

又

綠陰滿院簾垂地落絮縈香砌池光不定藥闌低閒並
一雙鸚鵡沒人時舊歡黯黯成幽夢帳捲金泥重白
虹斜處暗塵飛脈脈小窗孤枕鏡花移

菩薩蠻

柳條窄窄閒庭院錦波繡浪春風轉紅日上闌干晚來

花更寒
綠檀金隱起翠被香煙裏幽恨有誰知空梁
落燕泥

又

赤闌橋盡香街直籠街細柳嬌無力金碧上青空花晴
簾影紅黃衫飛白馬日日青樓下醉眼不逢人午香
吹暗塵

又

池塘淡淡浮鷗鷺杏花吹盡垂楊碧天氣度清明小園
新雨晴綠窗描繡罷笑語醺醺下圍坐賭青梅困從
雙臉來

又

綠蕪牆繞青苔院中庭日淡芭蕉捲蝴蝶上堦飛烘簾
自在垂玉鉤雙語燕寶鬢楊花轉幾處簸錢聲綠窗
春睡輕

又

柳條到地鶯聲滑鴛鴦睡穩清溝闊九曲轉朱闌花深
人對閒日長刀尺罷試履櫻桃下鬢髻玉釵風雲輕
線腳紅

又

綠陰寂寂櫻桃下盆池劣照薔薇架簾影假山前映堦
紅葉翻芭蕉籠碧砌猶子中庭睡香徑沒人來拂牆
花又開

點絳脣

曲陌春風誰家姊妹同牆看映花烘煥困入茸茸眼
細馬輕衫倚醉偷回面垂楊轉墜鞭障扇白地肝腸斷
好事近石亭探梅

尋徧石亭春點點暮山明滅竹外小溪深處倚一枝寒
月淡雲疏雨苦無情得折便須折醉帽風鬟歸去有
餘香愁絕

千秋歲

柏舟高躅晚歲宜遐福門戶壯疏湯沐青袍圍白髮瑞
錦標犀軸仙桂長交柯卻映蟠桃熟縹緲長生曲入
破笙簫逐香霧滿飛華屋玉鉤涼月挂水麝芙蓉馥干

萬壽酒中倒臥南山綠

鷓鴣天

禁瘳餘寒酒半醒
葡萄力軟被愁侵
鯉魚不寄江南信
綠盡菖蒲春水深
疑斷夢
愴離襟
重簾複幕靜愴愴
赤闌干外梨花雨
還是去年寒食心

又

芳樹愴愴脫晚紅
餘音不斷玉釵風
薄情夫婿花相似
一片西飛一片東
金翡翠
繡芙蓉
從教纖媚笑牀空
揉藍衫子休無賴
只與離人結短封

又

小市橋彎更向東
便門長記舊相逢
踏青會散鞦韆下

鬢影衣香怯晚風 悲往事向孤鴻
斷腸腸斷舊情濃
梨花院落黃茅店 繡被春寒此夜同

豆葉黃

粉牆丹柱柳絲中 簾箔輕明花影重
午醉醒來一面風
綠恁恁幾顆櫻桃葉底紅

又

樹頭初日鵲鳩鳴 野店山橋新雨晴
短褐無泥竹杖輕
水泠泠梅片飛時春草青

又

鞦韆人散小庭空 麝冷燈昏愁殺儂
獨有閒堦兩袖風
月朧朧一樹梨花細雨中

浣溪沙

罨畫溪頭春水生
銅官山外夕陽明
煥風無力小舟橫
萬事悠悠生處熟
三杯兀兀醉時醒
杏花楊柳更多情

又陽羨上元

橋北橋南新雨晴
柳邊花底暮雲輕
萬家燈火照溪明
鳧舄差池官事了
水山彩錯市人驚
街頭酒賤唱歌聲

鷓鴣天

柳外東風不滿旗
青裾白面出疏籬
曉來打鼓儂吹笛
催送兒郎踏浪飛
傾兩耳
鬪雙螭
家家春酒瀉尖泥

儂今已是滄浪客莫向尊前唱教池

虞美人曹申甫以著色山水小景作短製思極蕭散方

倅龔明邀予爲詠

越羅巧畫春山疊箇裏融香雪滿身空翠不勝寒恰似
那回偷印小眉山青驄油壁西陵下彷彿當時話而
今眼底是高唐拂拂淡雲疏雨斷人腸